

公獻公集卷之十二

頌碑碣銘

故襄州刺史韜公遺愛銘并序



江漢間州以十數而襄陽爲大舊多三輔之豪今則一都之會故在晉魏南雍在楚爲北津厭絲冗雜亦云難理而前此領郡鮮能安人或寬或猛或拘或抗跡多弗類俗亦弗寧是以天子念與我之理而公受煩鄉之寄矣公名恒字子濟其先某人也祖帥幽州長史父禮庭奉天討監察御史世不苟合義在難進雖無充量之位而有積善之烈矣公性持重有器望

即溫而厲居敬而簡度量可以執物德義可以服人
而先王遺言率由好學君子行道必奉忠恕浚源水
潔厲翼雲翔故一舉爲拾遺已有遠致三人爲御史
源然正色當時知音謂且大用而尚書理本卽官選
才聖踐諸曹克壓群議及再典大郡遷佐益州攝御
史丞都督西南軍事原軫超將豈惟上德翁歸中立
實兼文武先是兵連蠻徼歲轉軍儲優我公私費以
巨億公乃急其所病思有以易之建大田於雲南罷
饋糧於巴蜀向之踰重阻冒毒瘴負擔以踣斃棄其
骨剝掠者每十有五六及公底績盡境賴全蓋於是

邦也政守有素今也惟行不遠其方以素其樞其
教之誦之優之柔之從者善之否則威之先德後刑
端平肇末物知所勸事則有經率訓者衆多變薄爲
感惠者深遠旣和且均夫然後人斯耻格庭少詩
而參佐閑拮厲城晏如其始也一年而政成其終也
三年而頌益愛之如父母畏之如神明開元十二年
以理跡充其廉使上達天子嘉之稍遷陝州刺史暨
解印去郡攀車盈途或願借留無緣而人吏遮道或
瞻望弗及而老幼啼呼如是者五里已終朝十日乃
出界而皆有言曰捨我何之及聞公之喪哀可知矣

市爲之罷春以之輟惠愛之結深古今之忘一益爲
仁由已而遺德在人者其若是乎郡中士大夫與門
生故吏聚族而議撰德是以刻石立紀彼桐陽之碑
墮泐成碑此峴山之績銘曰

英英靳公宣哲秉彜爲我髦士作人元龜倘儻
磊落瑰詞人亦有言天實資之御史直繩即官
必兼遂能皆再踐糾過邦慝彌綸事典遂及
化流弊汚激厲善風抑揚善政約紀爲法
物故推誠事匪忘於感被于下仁明在茲
涉道載深穆然清風莫其遺音繫公既沒厥跡日尋

勒石是圖以慰群心

大唐金紫元祿大夫行侍中兼吏部尚書弘文
館學士贈太師正平忠憲公裴公碑銘并序

天道遵常背故蓋人拘於凡也得精志籠是天縱於
聖也方聖上之授太師也豈籍譽於朝廷哉徑取才
於無跡懸收功於未朕而終致大用克成休勳使祖
虛名者見西子而憎貌工橫議者聞魯連而任口乃
知古所則哲惟帝其難今之得人遇聖爲易能允明
主之鑒不負直賢之實者其在正平忠憲公乎
公諱光庭字連城河東聞喜人也伯翳之後與秦同

姓始封于裴國邑命氏在魏晉之際為人物之傑與
 瑯琊王氏相敵時人謂之八表八王自茲厥後奕代
 文盛大王父定周大將軍瑯琊太守瑯琊公大父仁
 隋光祿大夫追贈情節及於天監天之日既廢隋德矣
 見危致命不亦難乎諡之曰忠憲春秋之義也父行
 儉禮節尚書兼定襄道行大總管聞喜縣公贈大
 尉時或有奸王命矣恭公不謂重事諡之曰敬
 尊名之典也公即魏文之孫子降神元和合光不
 曜越在初歲已有志於天下矣是圖而近識莫悟學
 探帝載何事小名恭公入倫豈於一善弱歲居太尉

敬公與幼以孝聞尋補引文館學生神龍初明經擢
 第授家令寺丞轉太常丞加朝散大夫景龍中以親
 累外轉尋入為陝王友改右衛即將丁晉國太夫人
 憂柴毀骨立殆至殫性服免起為貝州別駕未之就
 也復除右衛即將無何遷率府中郎嗟乎有其道而
 無其用不可行也得其時而不得其志亦不可行也
 公負經綸之器韜王霸之畧自委治外臺轉連下位
 出入從事十數年間坦然而自若者何哉蓋知才有
 所必伸命有所必與非苟而已開元中聖上恩光祿
 之休烈蓋太尉之元勳是必象賢其將大授特拜司

門郎中轉兵部仙臺之燕始應列宿鳴漸之羽可用
為儀遠鴻臚少卿以觀其能也是歲天子有事于岱
宗諸侯會朝于行在執遠豆者不限於中外獻琛畫
者亦勤於駿奔莫不來享無有遠近而執政者以公
代曉邊事職在行人且曰夷狄豺狼黷盟阻德我今
有事戎或生心我張吾師有備無患若何公曰不可
夫封禪者所以告成功也觀兵者所以威逆命也云
亭苗扈非一特之事也受賕執燔非三代之禮也天
方依我光啓舊服懷彼德馨南能遠天乎無庸勦人可
以謀告從之秋九月突厥果使其相執失胡利發與

其介阿史德職泥熱來朝公之謀也東封還遷兵部
侍郎圻父之職夏卿之亞存而舉者悉以舉之公於
是考遺訓補缺典飾蒐苗獮狩之禮詳征稅簡藉之
賦頒九畿之政設九伐之刑以練國容以精軍實邊
鄙不聳帝用嘉之既而拜中書侍郎同中書門下平
章事兼御史大夫王言其出需乎人有歸也天憲惟
明肅乎人知禁也尋加銀青光祿大夫換黃問侍郎
俄遷侍中兼吏部尚書弘文館學士摠百揆之樞轄
酌九流之淵與叶文軌之殷度人之和水火象鼎其
惟實鍊山川出雲用作霖雨時哉之曾無得稱焉先

是夫化之行務以玄默遵夫簡易舊章在而不議吏道雜以多端公於是求革故之實契隨時之我作執秩以平之設循資以定之謹權衡以選之考殿最以察之姦回無所措其邪踣踏不能介其量多士動色郡方改瞻仰之者邈乎如山窺之者間不容髮或曰執事無乃惠歟公曰大命敢不敬歟若然方將致六符於泰階驅百姓於仁壽豈直睥睨先世紛綸近古汨而隨流守而勿失云耳哉二十年冬上幸河東祠后土命公兼左軍師禮畢賜爵正平男加光祿大夫抑人有言曰樹德莫如滋積仁莫如重則臧傳之慶

有後於魚樂武之德未絕於人宜公侯之子孫必獲其始也公嘗讀易至益之屯與升之漸迺喟然嘆曰物惡有滿而不溢高而不危者哉既而居不崇侈動不踰法雖百乘之家萬夫之長冲如也謂日用不知存諸方冊何天乎未永虞此台臣二十有一年春三月癸卯遭疾薨于京師平原里之私第春秋五十八朝廷哀傷冕旒震悼制戶部尚書杜進即殯弟祭賻物五百段粟五百石喪事優厚官供輟朝三日丁未有詔贈大師諡曰忠憲命某官某監護喪事以某月日葬我忠憲公於闕喜之書塋禮也初知星者言上

相有變良臣將歿謂請讓之公曰使禍可讓而去則福可祝而來也論者多之以爲知命夫天下之達道有五所以行之者三曰忠孝仁安君忠也榮親孝也周物仁也此三者有一於身鮮矣而公實兼之且媚于人者必好其威福賢於事者必羞其諂政公知其然則以直道匪躬之故莫厚矣禮爲人子春秋以致享義於人臣夙夜以從命公知其然則以時告如在之敬孝莫重焉夫以衡石之任陶鈞之功莫不責成於下吏求備於一人以故舞文雷同疑獄爲構惟而不改浸以成風公知其然則以

禮祭御物之惠仁莫加焉其行臣者公皆此類也其所著述率于箴規以爲博叙九族本枝百代王者之盛也而我不可以無訓作瑤山往記維城前軌以諷之微而彰志而晦聖人之舉也道不可以虛行作續春秋自戰國迄于周隋以統之臣子之義也天人之際備矣非冷聞通理其孰能與於此乎宜其存無棄人歿有遺愛嗣子稟京兆府司錄事奉事孝實克家勤必中禮丕承後命紆天鑒而增華敢跡前修琢豈碑而不朽銘曰

益作舜虞鉞分晉土慶流八族德盛三祖瑯琊象賢

懷文佩武光祿忠烈殺身報主尚書出將恢我王畧
文教內敷武功外鑠緇衣之弊惟公繼作用晦而明
慶豐思約鴻臚好謀復卿稱職代天流化佐皇立極
納于憲府好是正直乃宅家司謀猷允塞盡瘁事國
夙夜在公居無闕政歿有餘忠天子命我頌德銘功
日月有既令問無窮

大嘗故光祿大夫右散騎常侍集賢院學士贈
太子少保東海徐文公神道碑并序

夫物之所宗也莫善乎德行道之以明也莫先乎文
學人倫以具體難世以濟美也昔者無兼之者

其業每公于公律其息元
任梁南國因家具興焉隋氏平陳後族入雍今為馮
翊人也原其伯醫平水士實佐文命偃行仁義大曆
徐方因國保姓克昌厥後逮乎漢魏間出仁賢十二
代祖晉江州刺史順陽簡侯寧至五代祖梁直閣校
軍慈源侯整整生陳始安太守綜綜生隋廷州臨黃
令方貴方貴生唐果州刺史孝德生唐西臺舍人
禮部尚書齊將出入六朝載祀數百文武冠冕存
光靈訓子克家謀孫必復賢風儒行世有其人公即
尚書府君之元子也生而濬發默識經藝粵白童以

言時多府君為沛王侍讀公之岐嶽擊振平
三國而延佇興之議議授簡能賦所博奕惟賢門
容府察深所厭服亦遺不造十四而孤祖母金城郡
君姜大夫人念其難具詢以志學公遂勉勉詣心精
微磅礪九流激昂三變景倩幼露實類孫令伯六
歲抑由祖母上元中遺姜太夫人喪哀毀滅性制則
從禮有感斯絕無聲常淚服闋州辟秀才其年登科
解巾補汾州參軍部送邊備至于定襄軍使王本立
素重公才畧為管記書奏謀筭悉以咨之坐擢絳州
守令肯屬志

工曹振鱗博學雍京較無翼速逝有產東南俄遷
太子文學時秘閣群籍大抵訛謬有勅召學士詳定
公實在焉為之刊緝卷盈二萬時輩絕倒伏其博達
尋與李嶠等撰三教珠英書成奏御拜司封員外尋
加朝散大夫即拜郎中稍遷給事中以公代及文史
詞不失舊雖居瑣闥尚比繆率遂除中書舍人君子曰
舜之官人也二年勅公修則天聖后實錄及文集等
絕筆中宗嘉之重書教慰賜爵慈源縣子賚物五百
段旌良史也遷刑部侍郎加秩銀青光祿大夫轉禮
部侍郎兼判戶部公久踐朝廷累登省閣舊章必練

即事無疑雅不煩文深得大體雲臺高議以此歸之
進封縣伯食邑五百戶兼昭文館學士受詔與天竺
僧菩提流至譯寶積經及柳冲等同修姓氏系錄二
教寶真萬族有倫亟見成笑太平公主內秉國權駙
馬武攸暨外收人望命公至第拒而不行惡夫佞也
景雲初今上夷亂主鬯東朝官相四員特難其選二
以宰臣兼領一則天子故人任良兩官實在公矣遂
除右庶子兼崇文館學士修史如故進爵東海郡公
食邑二千戶遷右散騎常侍以本官兼黃門侍郎尋
而即真祿賜同三品爵崇五等道茂兩官利君謀

莫不激昂焉侍中岑羲公之期雖與其職事深自危
懼求典閑司以遠祗悔遂改太子詹事道義福敗地
絕嫌疑先是不交定王及此不昵岑氏見矣莫附思
患預防信達人也復以親累出為絳州歷夫斬棘衢
四郡山川分位楚夏異齊公政不易宜教以因俗德
化歸厚人共由之開元中會同京師遷秘書監無何
國子祭酒皇帝稽古崇訓開堂集儒以公才學元
大命登省希遂令集賢殿修撰又除右常侍以公

爲學士副丞相燕公知院事綱繆顧問日月獻納恩渥
尤及少有其比上將柴于岱宗詔公率其儀法定灑祀
之位廣配類之儀博文約禮或泐或草言出人伏事
立而天從時議通天及禮畢承恩特加光祿大夫時
置十銓公在分掌程不愆素且無遺才公既贊相議
猷從容調議大鐘必諫温樹不言啓沃盡規實政
君於克舜死生有命空比德於老彭享年若干以開
元十七年龍集己巳五月丁酉薨于長安頌政里之
第聖人震悼君子稱嗟翌日有詔褒贈太子少保
贈物若干改粟若干石特遣中使持祭於第

而別賜布帛若干端疋俾鴻臚少卿元復監護葬事
官給鼓吹儀仗太常考行曰文君子曰仁而愛人敏
而好學家有榮榮紹其考治國有大事修其典章謚
之曰文不亦宜乎其年冬甲子與夫人故南陽郡夫
人合葬于萬年縣之少陵原先塋禮也公寬裕有禮
温良能斷智出于象外推得其環中行之積也享名
之立也大故起自黃綬累陞亦岬五省相高連州得
最事將時並位與才惜其老矣夫闕也至於升堂入室
探微觀奧動有禮樂之運育有雅頌之聲是惟無作
作則萬物和而八音備矣蓋嘗注史記修晉書續文

選大隱傳及有文集三十卷皆實於故實傳於遺訓
古今通變河漢共高或藏名山或升天府歷歷然各
得其所嗚呼文仲歟而其言立子產終而遺愛存公
則備焉宜受戰毅保乂厥後代代守之有子曰峻嶠
峴等才以雅著孝以特聞學茂高曾之科言詞雄祖
考之風格備歷清貫皆立能名三賢德聲方賈氏無
愧累禁典訓與班門孰多咸體瞿如皇皇如昊天不
追終身積痛未舊撰實勒諸墳道僕從述者之後敬
而伸之乃爲銘曰

舜命益虞疇功帝俞偃王文教代集通儒光華萬閭
出入秦吳門多長者君其最乎

右其一

曾是好學果行洵美日就麟成鳳積鵬起黃綬履箕
朱門方執官籍正入朝稱良史

右其二

三入承明五遷外郡道有出處心齊喜愠帝思啓沃
國常師訓屢獻箴規偏承顧問

右其三

居常有異博而無惑綿絕孫通銓衡叔則爲龜爲鏡
立言立德胡不十爲左右王國

右其四

悼興冕流哀結衣簪官供羽仗士惜人琴已矣終古
平生德音松栢掛劍碑字生金

右其五

大唐贈使持節涇州諸軍事涇州刺史牛公碑

銘并序

夫志道莫先於無欲福壽莫大於有後始而晦跡終
不近名非道德之合歟我勞臣立于遠績非善處
所致歟所謂伊人其在牛公者矣公諱某字某
姓實始殷後有牛父者則宋之大夫胤裔蕃衍

更盛邠爲護羌校尉崇爲隴西主簿遂家隴上是稱
冠族其後因官安定爰處鶡觚今爲郡人亦旣重代
矣公之族祖有奇章公者隋室宗臣風流篤厚與章
損益百代可知天下稱之地靈斯在大父通秉志高
守道不勢當時交辟辭疾不起父會弱齡早代有
才無祿公夙構閔凶終鮮兄弟性且純至孝思罔極
幼以子立志不違邦與道爲求仁自我不屑軒冕
考繁丘園雖云屢空晏如也六郡自古五方雜錯負
力怙利尚氣好武人庶相放風俗不純及公冲和其
返真樸外以義行格物內以默致頤神不飾智以驚

愚不奔同而即異有恒其德無斁於人鄰落爲之變
風狼戾以之率化公旣浮雲不義介石惟一或勸之
仕但笑而不言飛鴻冥冥胡可量也開元六年隨子
西征以就色養春秋高矣道茂年衰魂氣其歸賢達
共盡越五月寢疾終於伏菟之官舍時年七十有六
冬十一月歸葬于北原夫人同郡王氏不享偕老先
是即代母儀婦德宋子齊姜自歸于我宜爾家室不
有配德曷生此子有子仙客爲國之良用商君耕戰
之國修充國菴胡之具出言可復所計而然邊扞長
城主恩前席且以子貴之義有加父存之禮去讎下

逮素風激揚陰德所流大福斯至十八年有詔贈涇
州長史二十二年冬且有後命贈使持節涇州諸軍
事涇州刺史夫人追封太原郡夫人於戲存而累仁
沒有餘烈福自昭於玄體道非異於異時及其影響
同符寵光如答雖松楸已拱而章紱載華死有可作
無異會稽之節生苟爲耻安用鴈門之肉貴與不貴
可不然乎嗣子銀青光祿大夫太僕卿判梁州持節
河西節度使兼隴右群牧都使支度營田使隴右採
訪處置使攝御史大夫隴西縣開國子仙客叩心知
遠昊天莫逮以爲先美蓋關後嗣有媿且澤漏幽壤

得不銘恩名典本州豈徒錫美而已銘曰
隴上多塚山西好武使君貞獨幼不斯取惟道爲徒
與代立矩善有餘慶風亦變古不學而知不行而至
跡有相混名無自異出入百年終始一意福流于後
神明其事行止於身用存玄體厥子嘉績中朝緝禮
仰迴壠隧門重旌繁逸人之墓今同郡郎

故河南少尹竇府君墓碑銘并序

序曰正其身君子所以慎德敏於行吉人所以寡辭
或道之或處之是亦正命命之將行利有攸往則時
不家至而人勸言不面命而事濟不爲跡而實以阜

蓄不沽名而聲以通駸夫如是者存乎其人故河南
少尹竇公蓋有之矣公諱某扶風平陵人自後魏大
將軍侍中永富公至烈考瀛州刺史贈刑部尚書華
國公六葉矣皆增華鄉族見重公朝四國于蕃四方
于宣龍旂成祀六轡耳耳公所謂盛德必祀承簡子
之始大積善餘慶是傳伯之有後故生則靈知長而
純固既白而受采亦黃以通中天假不器之性人服
自然之理而况於文雅緜飾志業孔修引伸足以長
人動用足以利物既學從政其歸簡易形有方殊道
以一貫人致一意而已我乃萬目盡張故其始也以

明經上第授彭州參軍事詢謀卽持器具甚厚所遇
森然其言固矢如山之爲始於覆篲如江之導終以
方舟於是累遷至于薛王及贊善大夫燕王築館以
待士漢儲立苑以招賓當其推擇莫匪賢俊議者惟
允而公在焉然由韞匱隋和十城空其價蹇跼驥駉
千里未之騁及其用也再入尚書卽遂爲洛陽令三
臺雖望一時精選舊章資以彌綸利器三於盤錯出
宰百里實推三河其賦政則必及於其身亦既誠信
被之於物是爲惠懷故雖二州餘弊儉巧而難理五
郡尤劇權顧而多姦莫不可使由之命自求之善處

中於下謂能令遊刃至於鑿舉風俗之謬裁正人倫
之經務勸衣食之原調均經賦之事本爲已任無間
人言故視事踰四年通而不倦道德在百姓久而益
彰非夫明允宣和優柔博約自我之不忒爲人之攸
暨亦曷由臻茲厥有洛陽所謂賢令者則周紆王渙
孔明祝良公實續之誰其似之屬天子建中都營新
邑咨爾亞尹俾其董司朝選其人公者斯舉以故稍
選河中少尹且有後命廢府而復遷河南焉以公之
歸從人之望官則改次政無易方以佐理王都以表
則天下而年不克祚立不光寵遇暴疾而卒悲夫是

歲有唐開元之九載春秋五十有六公以孝友為體
一變而迪忠信以明恕為用再變而致循良故所行
無擇所事無巧有恒有德終且溫溫不伐其功昭然
赫赫所以遺愛固結必在何武之去稱誦斯深惟恐
子產之死已而神道欺而不福物情喪其所賴人之
不幸今也云云及喪之西歸則人吏致哀道路相屬
得人心如此冬十一月葬于北原後之人或者將遊
於斯歎於斯彼其與歸我乃不朽矣其子八人長曰
某次曰某家有六丘之德里以高陽之名夙構閭閻
能哀傷以殆滅匪革其道懼功伐之不傳俾予為文

以叙孝子之志銘曰

綿綿瓜瓞少康遺烈靈則長兮莫莫尊罍王孫承祀
世其昌兮而我實續如金如玉載揚光兮咨亞尹之
德柔嘉惟則揚令聞兮惟別駕之功邦國不空眩胥
詠兮不競不練不剛不柔以成政兮德之攸好神之
所勞實降祥兮有美無度曷不肯胙今則云兮我著
名節俾無泯滅惠無疆兮

唐贈慶王友東平呂府君碑銘并序

夫官雖序賢志道者不常有位才雖屈命福未善者
必無後子夏文學之達以為富貴在天于公決曹之

平則云子孫由我蓋不享當代生數猶竒流慶後人
玄體乃用亨之曾也則蓋有原焉

公諱慶貞字慶求東平人曾祖北齊幽州長史府君
諱貫祖隋貫州中正府君諱伽考渝州清池今府君
諱師昔伯夷左唐實典三禮四嶽佐禹用平九州虞
夏以功而見封申呂因邑而命氏惟時厥後奕代不
承公正性之有自來直道之不充詘嘉男退之人德
避近名之未然越在弱齡棲遲事外用老本於藏巖
履行期於戒迹不遠於仁行之斯至不苟於義方之
自止佐一郡而初安居九夷而匪陋始不然者松楸

於東齋哉起家授玄州司戶參軍晏如也言旋初服
遂從所好外物之槩不雜於風塵遠予之言惟聞於
詩禮所謂溫身淑慎無競伊人者歟天冊二十二年
夏四月遇疾終于家春秋五十有二開元十四年冬
十一月葬於邑城西南四里原夫人北地傅氏祔焉
夫果於立誠靜以竦命力不足者則不疾運不至者
則不憂物情之難及我而易是以名利衆之所欲也
公則澹泊之德義人之所鮮也亦克蹈籍之如此而
神不勞福不流未之有也有四子長曰玄知今左威
衛司戈次曰玄悟中散大夫使持節鄜州刺史次曰

女智左威衛執戟次曰玄爽左衛長上惟悟玄至大
官此其教忠有舊服義無毀好爵是與餘慶所貽人
爲王門之長出居邦伯之列屬恩推子貴名彰身後
事有光於冥漠德乃發於馨香三命爲大夫百代稱
先子孝理所賜邦族爲榮開元十七年有制贈公慶
王友夫人贈河間郡君異人之符至元所驗惟神之
鑒謂之不欺公之女孫曰東平郡夫人冠軍大將軍
右監門衛大將軍渤海高公之夫人齊州刺史之女
也冰玉相輝椒蘭同馥由福履於君子與嘉會於善
人齊姜子歸魚軒擘以照路廊時之佳熊軋殿其芳

雷有車服而始大履霜露而追遠於戲食于舊德無
忝爾之奉先樹之休聲有以見其歸美銘曰

赫赫我祖惟師尚父泱泱大風悠悠終古施于胤裔
憲是文武我美其濟我則斯取雖匪高位亦惟頤德
我王之友彼夫之恃既貞且亮宜語而默投足皆安
終身不成我我積善以福後人彤嚮家慶煒煌宗姻
瞻彼松檟錫之絲綸今也追飾實爲先臣先臣伊何
宜其有後志之所尚義無所苟身雖既沒名豈虛受
立德在茲亦云不朽

故果州長史李公碑銘并序

公諱某字某趙郡房子入其先自段干木至栢仁侯
皆以醇德茂功奮于上世始於藩魏終而將趙其忍
不殞遂濟子令五代祖後魏中書侍郎始對懿公璨
琛生徐州刺史始封慎公元茂元茂生趙郡大守君
諱鳳昇鳳昇生駙馬都尉直閣將軍府君諱道宗道
宗生齊尚書右外兵部郎中府君諱山壽公即郎中
府君之子仍世致美在邦攸宜故我公稟靈中和履
道元吉以學則探其奧昔見聖人之心以行則踐其
嘉言合君子之度以故動爲人譽名乃曰宣我府孔
修德興云遠固未可量也隋大業中舉孝廉泊唐興

調棣州司戶參軍凡遷破相二州總管府戶曹參
宜州錄事參軍莫不事人以直及身於誠處卑能忠
敬長則順故光輔郡將周爰我咨自州徂州或嘯或
諾既而遷金鄉晉陵二縣令精誠以立事善教以長
入四封用乎三英以繫破蒲與密獨何有焉以課最
遷歸州治中郢州司馬加朝散大夫行果州長史盤
桓叅佐未復公侯遺非吾行德無必責遂以沒化豈
命也夫某年月卒于官舍享年若干及喪至自蜀而
葬不歸趙乃卜宅於許封樹汝墳子孫遂家亦既重
世至開元中公之孫曰察以古諸侯之祿奉先大夫

之祀畫遊本郡輝光前烈非清白以遺善慶之餘保
艾爾後人亦何以臻此於是履霜爲感恭惟春秋之
事刻石是圖俾揚祖宗之業斯善繼者也叙而志之
銘曰長史英英作爲世程動合雅度休有令名以之
入官從事而允以之佐郡爲政孔明悠悠上天曷不
貴德終于參位孰云邦國孝孫其昌餘慶乃彰塚樹
蒼蒼徽音不忘

故瀛州司馬李府君碑銘并序

君諱某字某趙郡人祖山壽齊尚書右外兵部
郎中父仁瞻朝散大夫果州長史世德數載見于

碑公懿烈無忝雅其度量體和而韻絡之以絲性
而文受之以采故好學不倦而墳典必精慮善以動
而規矩皆中悉心存乎道義餘力見於文章人以美
談日聞休譽弱冠舉進士調補同州參軍換瀛州司
戶參軍以素所履以施有政居獲乎上往得其中與
不嚴祇長史之所嘉歎無不崇讓同年之所厭服宜
爾戩穀光昭令圖如顏子之不幸豈卜商之云命某
年卒于官舍春秋若干公家世尚儉子孫是式初先
大夫之采也清白以遺而果無私續高標是營而
有餘慶豈所謂不戀本達也無懷土以重遷不傷生

仁也無困財以乏祀夫然趙之北際何必故鄉許之
東偏亦云樂國故喪之歸也遂定于斯及嗣子察受
教義方能纂德榮服事華髮潔身清朝天子少差擇
其良惠恤于下由是解印少府部符本州衣繡而歸
雖榮之在書重茵以立而悲不逮親結諸心形諸色
孝子之志國人所稱於是乎歸美以揚先讓德以示
後蓋承夷之義也得無逋焉銘曰

偉李侯世載德行時範言士則三英發百夫特肥而
家華而國美無度命不融足方馳途斯窮子餘慶其
次嵩我不訓謫遺風

後漢徵君徐君碣銘并序

後漢高士徐君諱穉字孺子南昌人也先生受天元
休含道傑出生知而上貫之以一體資清純動適玄
妙知道之將廢乃窮則獨善躬耕取資非力不食鄰
落所處率化無訟在漢之季遭時溷濁不抗迹以庇
物故退棲山林不苟利以辱身故進無祿位五辟宰
府四察孝廉文舉有道就拜太原太守皆辭疾不起
延嘉二年尚書令陳蕃僕射南郡胡廣相與上疏極
言先生宜為輔弼協和人神漢桓帝猶能安車玄纁
備禮徵聘而竟不屈志知時之不可久也然而諸公

嘉禮雖不之屑及聞薨卒徒步弔祭禮有所尚隻雞
不簿意有所將生芻爲膏士之惑我實衰世之有補
仁而見德俾後生之可尋其廢中權行中慮皆此之
類也昔者夷齊介潔而遠去沮溺野逸而離群類闔
雜杯以遁逃接輿狂歌而譏激此誠作者或類沽名
夫有所不爲志則偏也無適不可用之極也先生則
賤絕在心而經修於世純儉以存戒博愛以體仁應
物以會通全已歸以正漢庭所以宗其德天下所以
服其行豈與彼數子直逕庭而已哉靈齋初欲蒲輪
聘會先生以疾終時年七十二有子曰季登鷺行孝

修亦高尚不仕皇唐開元十五年子忝牧茲郡風流
是仰在懸榻之後想見其人有表墓之儀豈孤此地
則先生之德其可沒乎銘曰

靈芝無根醴泉無源角立傑出先生斯存英英先生
德不可名麟出無應鴻飛入冥道高事遠跡陳名邵
勒石舊邦以觀其妙

故辰州瀘溪令趙公碣銘并序

有唐瀘溪令晉國趙君諱某字某終于其位嗚呼魯
史既沒稱行者不在茲乎荀孟已來論命者亦何謂
也放其言而無荀作令乃遷行其志而不迴與權必

遂改道每屈於位身必後于時而猶守貞不奪因窮
自若立誠者既獨其所善尚德者徒隨而為名名非
欲彰以美實而自著位非欲下以厲守而遂卑此由
命而然歟為自我而然歟無代無之而今實續之矣
公大祖盱眙齊河間通守因家乎饒陽亦既重世今
為饒陽人也曾祖北齊幽州大總管大父隋鉅鹿大
中正府君列考范陽令君君皆累行積慶以貽于後
正性直道遂終於公公剛潔不群精明獨斷非我所
在不以利汚名非禮所安不以跡傷教有立卓爾童
卯而然既學大成紛綸博綜將求祿養也而俯就鄉

舉季而明經登科補太子正字又改射洪尉皆以逮
親自乞執政自哀遂屈換定襄尉公欣然而捧檄矣
秩滿轉洪洞主簿求城丞時縣宰敗類公止之不可
雖盡同官之心且急下人之病義形於色被用我雖
此貪而無親難與心竟公剛亦不吐乃邁力爭遂用
上聞因而坐免邑中黔庶莫不咨嗟求而得仁退則
無愠失乃返初服遨遊墳素精義致用清風被物或
太守咨訪偃息自蕃或諸儒稽疑廢疾皆起是時中
書侍郎河東薛元超人倫之表也將命河朔實舉廢
滯企我休風延以殊禮立談體要大見嗟稱以故表

聞其庶乎簡帝心會有陰忌之譖實為無妄之禍矢
獲既曾母致疑退而賈生投弔不無故也以此左遷
盧溪丞公竟不自列窮則體命雖在幽闇鬼神不欺
苟推忠誠蠻貊何陋時縣無長史政則我由未歲月
而已成無谿谷而不悅五鄉自專文子左言難曉之
民翕然同辭乞為父母於是詣闕投疏至于再三朝
廷尤之則受盧溪令公事副誠請增修德化乃鄒魯
設教而夷楚變風迨公遷殂闔境號慕古人遺愛何
以加也遺令戒子留葬洛陽斯又不戀本廷也有子
曰瑄歷官侍御史尚書即洪州都督霜露既變則感

念以時陵谷有遷而音徽何代君子所懼于斯撰德
銘曰

洛趙侯之德好是正直令儀令則不回不忒寔却之
選彼美之特玉堅而折膏明自煎辰陽于遠淑浦迴
遭下邑已矣君子殲旃遺令桐鄉歸魂崇若瞻彼有
洛維來泱泱德音不已於斯揚揚

張文獻公集卷之十二終

